

文苑英華卷第六百二十六

表七十四

遺表

遺表一首

為王尚書遺表一首

權文公遺表一首



為昭義李相公作遺表一首

代僕射濮陽公遺表一首

代彭陽公遺表一首

代安平公遺表一首

遺表

房玄齡

臣聞兵惡不戢武貴止戈當今聖化所覃無遠不泊

一作漏尾

上古所不臣者陛下皆能臣之所不制者皆能制之詳觀

今古為中國患者無過

一作如

突厥遂能坐運神策不設

一作 殿堂大小可汗相次束手分典禁衛執戟行間其後

延陀鳩張尋就夷戮一作 滅鐵勒慕義請置州縣沙漠以北

萬里無塵至於高昌叛換於流沙吐渾首鼠於積石偏師

薄伐俱從平蕩高麗歷代逋誅莫能討一作 擊伐陛下責其

逆亂殺一作 弑主靈人親惣六軍問罪遼碣未經旬日即拔

遼東前後虜獲數十萬計分配諸州無處不蒲雪往代之

宿耻掩嶠陵之枯骨比功校德萬倍於古一作 前王此聖主一作

心之所自知微臣安敢備說且陛下仁風被於率土孝德

彰於配天觀夷狄之將亡則指期周一作 數歲授將帥之節

度則决機萬里屈指而推一作 假驛視景而望書符應若神

筭無遺策擢將於行伍之中取士於凡庸之末遠夷單使

一見不忘小臣之名未嘗并問箭穿七枚弓貫六鈞加以

留情墳典屬意篇章一作 什翰一作 筆邁鍾張詞一作 辭窮班馬

文鋒既振則宮徵一作 則自諧輕毫暫飛則花蕩競發撫

萬姓以慈惠遇群臣有一作 以禮法褒毫髮一作 秋毫之善解吞

舟之網逆耳之諫必聽膚受之訴斯絕好生之德禁障塞

於江湖惡殺之仁息鼓刀於屠肆鳧鶴一作 鶴荷稻梁之惠

大馬蒙帷蓋之恩降乘吃思摩之瘡登堂臨魏徵之柩哭

戰亡之卒則哀動六軍負填道之薪則精感天地重黔黎

之大命特盡心於庶獄臣識昏憤豈足論聖功之深遠談

天德之高大哉陛下兼衆美而有之摩一作 非不備具微臣深為

陛下惜之重之愛之寶之周易曰知進而不知退知存而

不知亡知得而不知喪又曰知進退存亡而不失其正者其惟聖人乎由此言之進者一作退之義存者一作亡之

機得者一作喪之理老臣所以為陛下惜之者蓋為此一作

此謂也老子曰知足不辱知止不殆謂陛下威名功德亦可

足矣拓土一作地開疆亦可止矣彼高麗者邊夷賤類不足

待以仁義不可責以常禮古來以魚鱉畜之宜從闊略若

必欲絕其種類深恐獸窮則搏且陛下每決一死囚必令

三覆五奏進素膳停音樂者蓋以人命所重感動聖慈也

况今兵士之徒無一罪戾無故驅之於城一作行陳之間委

之於鋒刃之下使肝腦塗地魂魄無歸令其老父一作人非

孤兒寡妻慈母望轆車而掩泣抱枯骨而一作推心足以

變動陰陽感傷和氣實天地一作之冤痛也且兵一作者

器戰一作者字危事不得已而用之向使高麗盡失臣節而陛

下誅之可也侵擾百姓而陛下滅之可也久長為中國患

而陛下除之可也有一於此雖日殺萬夫不足為愧今無

三條坐煩中國內為舊王雪耻外為新羅報讐豈非所存

者小所損者大願陛下遵皇祖老子知一作足之誠以保

萬代巍巍之名發霈然之恩降寬大之詔順陽春以布澤

許高麗以自新焚陵波之船罷應募之衆自然華夷慶賴

遠肅邇安臣老病三公旦夕入地所恨竟無塵露少一作微

增海岳謹述一作殘魂餘息預代結草之誠儻蒙錄此哀

鳴即臣死且不朽一作皆舊唐書本傳

文苑英華 卷一百一十五

文苑英華 卷一百一十五  
爲王尚書遺表

王行先

臣某聞死生者天地之常數忠孝者臣子之本心某孝未立於家忠未報於國而桑榆遽迫風燭俄驚雖脩短之分偶然而古今之歎一也臣受性頑踈昧於攝理常服石乳頗歷歲年始自去冬微覺發動皇慈軫念厝渥旁流特賜秘方兼傳要訣王人荐至驛騎載馳竊見聖心密聞天語安營魄更長皮膚得霑雨露之慈可延大馬之命不悟才微任重福過災生從此月十二日已後舊疾并發氣緒羸憊心慮沉綿徒加藥餌竟未瘳損自三十二日已後轉覺危憊生意寂寥視陰恐盡渴日不足臣自揣度必難保全

雖覆載所容亭育之恩至廣且鬼神不捨膏育之計已成永辭明聖憂在漏刻臣自荷深恩謬居方鎮三承寵命六變霜星撫俗臨戎幸無敗闕此皆階下聖謨弘貸玄貺昭宣誓欲乘此遭逢少施勞効使千載之後知聖代有守土之臣焉永懷楊僕之移關常念子牟之戀闕是以仍歲抗表備述本誠瞻望軒墀冀獲朝覲儻丹誠曲遂玄鑒俯從則臣此生沒齒無恨豈意隱慝爲咎至誠不通徒一作孰知生也有涯何遽死之將至行潦微波望朝宗而先竭衰楊弱質待歲寒而已凋無由假魯陽之戈空想結杜回之草伏惟聖念俯察哀懷仰天無聲伏表流涕無任感戀歎欷之至

權文公遺表

臣某言生逢聖時獲事陛下以臣蕙朴一作朴春備位將相幸免罪戾實無裨補福過災生二年以來脚疾痺緩近自旬日咽喉氣痛漸就危憊慮不支持永辭聖明涕流嗚咽伏惟皇帝陛下繼十一葉休運承二百年景祚平吳定蜀掃蕩淮夷巍巍功德與天地準今縱有疥癬不足平夷伏惟以愷悌之仁弘寬大之本為九州自愛使萬古同福則臣幽冥之下同生物受賜無任感恩攀戀悲激之至

代僕射濮陽公遺表

李商隱

臣某言臣聞螻蟻知雨雖通感於玄天蒲柳望秋必凋華於厚夜况臣攝生寡要將命無方寒暑頓侵精神坐竭

乏傳薪之火餘焰幾何隙無留影之駒殘光即盡叩心戀

闕忍死集作命

封章叫白日而不廻望青天而求訣臣某中

謝臣雖忝望族本實將家自先臣出惣郊圻遇任大國靜無師旅被服元化翱翔盛時遂與季弟參無俱以詞場就貢久而不調因以上書自薦求通干時願試芸香作吏始筮仕於德宗瑞節臨戒復分憂于陛下雖性分有限而忠誠不移一作磨固無韓彭為將之能實慕趙竇散財之義兩

踰嶺嶠四建牙旗約已累身絕其分少良田五頃慮莫及於孫子厚祿萬鍾惠頗霑於賓客恭承認命以守藩條而掌事者徒以元和中呂元膺留守東都李師古潛謀洛邑託以郡邸入之甲兵臣當時為元膺賓僚值師古竊發蓋

衫不脫竹簡仍持因為麾兵虜其渠帥遂以將材相許戎  
統見期頡頏遐途纂脩舊服光陰荏苒遷授頻仍昨者分  
領許昌兼臨河內當上黨阻兵之始是孽童拒詔之初臣  
方將奮勵疲駑指揮精銳所冀解鞍赤狄息駕晉城大攘  
蜂蠆之群以雪人神之憤自前月某日後軍聲大振賊勢  
稍衰人一其心士百其勇鸞領有相曾無定遠之期馬革  
裹尸實負伏波之願而精誠靡著素心集作志望見違拔抱之  
意方堅就木之期俄及忽自今月某日疾生腹藏弊及筋  
骸藥劑之攻擊愈深神理之禱祠無益固已騰名鬼錄收  
氣人寰復燃無望於死灰更起難同於仆樹然臣素窺長  
者曾慕達人省於變化之端粗識死生之理豈其有貪富

貴敢冀延長但以未報國恩未誅賊黨視胃長免對弓矢

彎思大馬以自悲悼集作鍾漏之先迫志有所在傷如之

何撫節而乏淚以流伏歿而無血可絡臣其中謝其行營

三軍已舉牒差某官某河陽留務差某官某懷州留務差

某官某訖並皆授之方略各有司存至於集作旬日必無

逗撓臣又伏思任司農大卿之日授忠武統帥之時紫殿

承恩彤庭入對躬瞻堯日親沐舜風獲覩陛下神武之姿

獲聞陛下憂勤之旨即北蕃小寇東土微妖集作亦何足

煩陛下之甲兵汙陛下之鈇鑕伏望時推明畧光闡睿圖

內則收德裕讓夷紳紘之嘉謨外則任彥佐允達宰沔之

威力廓清華夏昭薦祖宗然後瑤玉勒成鏤金垂烈臣雖

...

百死復何恨焉臣精爽已虧言辭失次氣無復續蒙以續而莫勝口不能言飯用貝而何益故園集作國千里明君萬年求將覆載之恩長入幽明之路殘魂不昧雖温序之思歸枯骨有知遇杜回而必抗廻望聖集作照代哀號不能無任荒悷攀戀之至

代彭陽公遺表

前人

臣某言臣聞達士格言以生爲逆旅古者垂訓謂死爲歸人苟得其終何怛於化臣求惟際會獲偶昇平鍾鼎之勳莫彰風露之姿先盡雖無非大數亦有負清朝今則舉纊陳詞對棺忍死白日無分玄夜何長淚兼血垂目與魂集作斷臣某中謝臣早緣儒學得廁人曹克紹家聲不虧士

行詞賦貢名於宗伯書檄應聘於諸侯東泛西浮南登北走時惟倚馬人或薦雄西掖承榮得以言之無罪曲臺備位粗明物有其官允謂才難便叨卽選振衣華省復歷名曹高步內庭光揚密命憲宗皇帝以臣行多餘力忠絕他腸進無所因靜以有立過蒙顧問深降褒稱乃於同列之中獨許非常之拜殊恩旣浹當路相排旅翮未高孤根已動河潼爲郡盟津統師弱以待援痿而念起憲皇旁集作講求輔相卽記姓名果遣急徵仍加大用戴君之力雖弱許國之誠在茲實有微衷可裨玄化况初誅背叛務活疲羸方伏奏於鳳哀之前忽庀徒於烏耘之次小吏抵罪邪臣結謀指之有名默不得訴空其罪戾仰託聖明粗得生還

幾臨死所其後官移賓護四年不竭於承華任改察廉一日暫留於分陝欲舉而墜將安更危賴敬宗皇帝續乃不圖是思求舊振於洛宅榮彼夷門自茲以來敢虛其遇周旋五紀鎮守惟切分憂前後兩歸闕庭皆非久次拙直不同於衆纔毀每集其躬含意未宣救過不暇伏思自長慶厥後開成之前凡幾忝遷升幾遭退斥若非不欺天地不負君親至於機微尋合顛殞伏惟皇帝陛下道超覆載仁極照臨既委銅鹽又分端揆逮今控壓亦在重難陛下之恩微臣何益微臣之節陛下方知興言及茲碎首殊晚然臣從心之年已至致政之禮英華作理非宜遵尋欲拜章以求歸老伏以諸道節制頻歲更移其於送迎例多積累臣在

此雖無一毫侵損亦無纖介

集作介

誅求而帑藏甚殷倉儲

有羨特緣行李忍過秋冬而江山之氣候難常蒲柳之蕭

衰易見自夏則膝脛無力入冬則

集作又

腸胃不調對冠冕

而始訝儻求指墳墓而已知息處昨今月八日臣已召男

國子博士緒左輔闕綯左武衛兵曹參軍綸等示以歿期

遺之理命使內則雍和私室外則竭盡公家兼約其送終

務遵儉約

集作所務遵儉

勿為從俗以至慮居至十二日夜有僕

夫告臣云火星殞地雅當正室洞照一庭臣即端坐俟時

正辭無撓臣之年亦極矣臣之榮亦足矣以祖以父皆蒙

褒寵有弟有子並列班行全署領以從前人歸體魄以事

先帝此不自達誠為甚惡但以將掩泉苟不得重辭雲臺



重集作更陳尸諫猶進瞽言雖叫呼而不能豈誠明之敢忘

伏惟皇帝陛下春秋鼎盛華夏鏡清是脩教化之初是復

理安之始然自前年夏秋已以來敗蹟者至多誅戮者不少伏望

普加鴻造稍霽皇威沒者昭洗以雲雷存者霑濡以雨露

自然五稼嘉熟兆人樂康用臣將盡之苦言慰臣未蟄之

幽魄臣某云臣當道兵馬已差監軍使竇千乘勾當其

節度留務差行軍司馬趙祝觀察留務差節度判官杜勝

訖有舊規模無新革易集作必當輯睦决無誼驚臣心雖

澄定氣已危促辭多逾切鳴急更哀升屋而三號豈來赴

壑而一去無返忠誠直道竟埋沒於外藩腐骨枯骸空歸

全於故國廻望昭代無任攀戀永訣之至謹奉表代辭以

同臣某誠號集作哀誠咽頓首頓首

自今日代安平公遺表 前人

臣某言臣聞風葉露華榮落之姿何定夏朝冬日短長之

數難移臣幸屬昌期謬登貴位集作任行年五十五歷官二

十三念犬馬之常期死亦非夭柰君親之厚施生以無酬

是以時及含珠命餘屬續心猶向闕手尚封章撫躬而氣

息奄然戀生而方寸亂矣臣某中謝臣少而羈屑長乃遭

逢常將直道而行實以明經入仕王畿作吏非州縣之職

徒勞侯國從知愧軍旅之事未學憲宗皇帝謂臣剛决捷

以憲司穆宗皇帝謂臣才能登之却選忝霜威而無所措

拉歷星紀集作切而有紊次躔旋屬皇帝陛下大明御宇

星經

至道承乾登汰之初臣不居有過超躐之際臣獨出常倫  
高選掖垣箴規未効入居瑣闥論駁無聞自去年秋來典  
河關兼臨甸服唯當靜而阜俗清以繩姦粗致豐稔幸逃  
逋責豈意陛下謂臣奄有三縣未稱其能謂臣出以一麾  
未足爲貴爰降綸綍移之藩方錫以海隅與之嶽鎮將吾  
君之驍果萬計使得惣齊聯吾君之牧伯三人以居巡屬  
時雖相羨臣實深憂旣辱聖恩果遭鬼瞰况臣素無微恙  
未及太年方思高掛英華作饋魚不燃官燭成陛下比屋  
可封之化分陛下非一夫不獲之憂志願未伸大期俄迫忽  
自今月十日夜暴染霍亂并兩脅氣產產當時檢驗方書煎  
和藥物百計療治唐一無痊除至十一日辰時轉加困劇

漸不支持想彼孤魂已遊岱嶽念茲二豎徒訪秦醫對印  
執符碎心殞首人之到此命也如何戀深而乏力以言泣  
盡而無血可繼臣某誠哀誠戀頓首頓首臣當道三軍將  
士準前使李文悅例差監軍使元順通勾當訖臣與順通  
雖近同王事已備見公才假之統臨必能和協其團練觀  
察兩使事差都團練巡官盧涇勾當訖臣亦授之方略示  
以規模伏惟聖明不至憂軫臣精神危促言詞爽錯行當  
窮塵埋骨枯木容身螻蟻卜隣烏鳶食祭黃河兩曲長安  
幾千生入舊闕望絕班超之請力封遺奏痛深來歎之辭  
迴望昭代不勝荒惚眷戀之至謹差某奉表代辭以聞

文苑英華卷第六百二十六

校正五十四字

十月十九日

文苑英華卷第六百二十七

牋一

牋

諫皇太子牋一首

為司徒趙國公謝皇太子寄詩牋一首

為南陽尉六舅上鄧州趙王牋一首

為皇甫中丞上宋王牋一首

上宰相牋一首

皇帝冊尊號皇太子牋一首

賀赦牋一首

賀太子知軍國牋一首

從樊漢南為鹿門孟處士宋脩墓牋一首

諫皇太子牋

薛元超

臣元超啓臣聞位隆載異居之者匪易業峻承桃守之者  
為重何則天下之本屬在元良歷選前脩藹尋往傳伏惟  
殿下盡堂疑祉幼彰岐嶷雕宮誕睿夙擅溫文大孝因心  
不由於外獎深仁植學性稟於自然故能聿膺景福式光  
正緒皇基未固宸構克昌加以識瞻機物天姿獨秀生知  
之量振古莫儔比者監守務殷親覽政事所關視聽決斷  
如流凡有朝野行僉論歸美况臣委質階陛蒞跡宮闈恭聞  
喜躍實百恒品區區所望惟願盛德日新勵茲三善無忘  
四術率土蒼生幸甚見去年之內數召學士等入討論經  
籍亶亶不倦此之令問播於邇遐在外聞者誰不欣然今  
夏已來接對遂簡講藝之道有謝曩時臣之事君在於每

應敢緣茲義輒獻愚忠但臣知識庸淺未足以發明雅訓  
求之史傳請揚摧而言焉昔漢苑招賢高軒洞敞曹園愛  
客飛蓋連陰此乃副君之待士也亦有推心鄭眾每佇於  
諮詢降禮桓榮用承於誨命此則副君之尊師也魏太祖  
征并州留太子在鄴頗出畋獵崔季珪進而諫曰繫于遊  
田書之所誠魯侯觀漁春秋譏之周孔之格言二經之明  
義也深惟儲副以身為寶今忽馳鷲陵險誠有識者所以  
惻心惟太子燔翳捐畢魏志作以塞眾望太子報曰昨奉  
嘉命廣開正路翳已壞矣畢亦去焉師傳之言實獲我心  
晉明帝之在東宮中庶子溫嶠中舍人劉放晉明帝為太  
舍人劉放乃魏明帝諫馬射曰臣聞千金之子猶不垂堂  
時人疑當作阮放

以萬乘之貳若有駭駟之艱豈可不熟念殿下縱一日之  
 娛忘萬代之基凡人猶知其不可况在聖明太子答云省  
 所陳明卿等動靜數示此則副君之納諫不以爲嫌者也  
 非獨一時之美事固亦千載之芳猷且思患預防著於易  
 象樂不可極陳之禮經列聖典謨可爲龜鏡殿下昔在藩  
 邸時以打毬爲戲當此之日已經墜馬近取諸身足爲深  
 鑑又陛下仁孝之德聞於四海自車駕發後天慈許入苑  
 內臣竊惟殿下之意既承恩旨始復出遊適以上副聖懷  
 非徇盤遊之樂固以苑囿之地草樹極深絕磴危橋往往  
 而有控織離之馬影踰流電擁太阿之劍氣駭奔星截輕  
 禽逐狡兔倘有衝勒之變雖悔何一作追如戶奴等色非

是一種或及逆之胤或破亡之餘夷狄遺醜燕在其數客  
 計克謀理難懸測忽有潛心翳蒼侍衛不虞白龍魚服事  
 出慮表臣每一思至此魂爽飛越夫爲人子者不登高不  
 臨深恐近於危辱也故樂正子春下堂傷足數月不出猶  
 有憂色弟子問之子春曰君子跬步不敢忘孝之道是以  
 有憂色也子春匹夫尚知愛其身體儲后之尊何可以不  
 慎焉儻馬逢驚佚微致毀傷豈不上貽二聖之憂下乖兆  
 人之望伏謂打毬馳射深是一作知非危機天后所賜誠書殷  
 勤至切網羅今古罕得名言竊循旨要在於循一作疑作懷虛  
 已書云山林隱逸草澤高人惣萃春坊冀朝夕設對採其  
 匡贊廣納忠規機務之餘遊心墳籍瑩襟靈於藝圃散耳

目於書林披帙橫經克勤無怠此之至戒亦何不思殿下  
敦崇儒術闡揚文藝爰置學士獎拔人物應斯舉者若登  
龍津莫不延頸企踵恩承顧盼皆願隳肝膽露款誠布衣  
之交一言相託尚有懷知己之遇銜國士之恩殿下數存  
接引與其切磋道義竭忠進善必日有異聞則玉裕彌光  
金聲自遠頃日時景炎爵不敢望以引召今高秋戒序景  
物勿物一作候漸涼伏乞聽政餘閑留情墳典所讀班史請畢  
殘功前者別勅賜物本錄一作錄殿下書進時請臨池染翰  
使筆力轉道仍請逐月一兩度惣喚學士因為設食文學  
張君相素明莊老命之談說能暢玄風殿下假以溫顏人  
各申其藝業鈞深理窟者思憤懷蛟據實詞條者文成吐

鳳此亦一時之奇觀可以澡慮怡神巧只在宮僚人知自効  
便僻取容者踈之正直不撓者親之棄不急之務而省遊  
娛絕無益之慾而敦節儉以儒墨為城池翱翔其際以禮  
義為干櫓棲息其間一則遵天后誠書不敢失墜二則挹  
古人遺範有所發揮豈不美歟豈不盛歟殿下居養德之  
辰天下屬望聰明睿智何所不察若稍加引納實廣德音  
臣曲荷財成濫蒙委任雲雨之施預霑於品物丘山之恩  
久越於涯涘懼速官謗罔實心靈不揆謏聞輕陳短見庶  
同纖塏敢類涓埃所冀增山之高裨海之潤臣元超頓首  
頓首死罪死罪謹言

為司徒趙國公謝皇太子寄詩牋 許敬宗

無忌惶恐白內使滎陽夫人至蒙寄歎別五韻并垂示擬  
古一首蹤開玉札炫目澄心行諷金聲式歌且拈竊惟化  
成天下實繫以導資象洪源體物緣情自風騷而綿列代莫不  
咸相祖述罕見生知伏惟殿下摛絢紹天含章挺睿溫文  
表裕藻清漢於離暉麗則凝華縟春秋於博望乃以監守  
餘暇俯貺清篇覽夜月之流光降無私於遠客想懸旌之  
未卷察翹心於征施加又作依依垂柳益愴邊城鬱鬱中  
園偏傷遠塞殊私所被文旨蕪深詞運理而參神氣凌雲  
而含粹五章間發若啓榮光之圖六律相宣如覲奏金之  
字無忌幸從神武愧乏王粲之才忝降斯文益深吳質之  
戀無任感荷慶躍之至於是扣寂求音繼震方之逸響披

肝見意吐爍火之微光某頓首頓首謹言

爲南陽尉六舅上鄧州趙王牋 蕭穎士

某惶恐叩頭使君公節下小人以寒淺之姿承命下吏常  
懼罪矣仰負仁明勵茲駑拙競惕不暇安敢謬持文翰祗  
冒府庭濫巴歛之末音覲牙曠之清聽豈惟取笑僚友知  
其不然故亦退慙虛薄非所敢望今則沒階屏氣心膽戰  
越竊有短詞願聞於節下執事者理或至切情所不堪誠  
以仁賢措心名教有地敢布四體伏惟明公圖之某家自  
周齊業傳清白先人以文學政事任尚書郎門緒不昌幼  
集荼蓼詩禮之訓襁褓無追顧復之恩縞練仍失顧瞻兄  
弟童非五人所不隕滅實同形影少賴餘蔭克從庶役或

以進士或以明經二紀于茲畢叅官序雖青紫之望有限  
登天而箕裘之業幸微墜地豈圖家不悔禍繫罰仍鍾累  
年以來凶險荐至兩兄一弟殂謝連及孀孤空室苦蓋在  
庭故不忍聞今在備見誠宜泣血私第移疾公門胡復心  
顏以冀榮遇所不爾者亦惟明公哀之重以諸姓藐然三  
喪在殯丘封禾兆凍餒是虞匪伊薄祿云何取濟今歲時  
獲便龜策告從此月之交計發高汝季弟備官越在東吳  
千里而遙三月不至與言主辦捨某而誰感念存亡觸目  
纏迫詩不云乎死喪之畏兄弟孔懷禮亦有之祖於庭塋  
於墓所以即遠也人道之終此日而畢天倫宗戚豈可輕  
忘志官次則情理頓虧赴私哀則簡書是懼龍鍾荼苦畢  
備於茲伏惟明公嘗以雅望忠誠弼諧聖政朝廷故事豈  
閣式瞻仁恕之風被於列郡儻或窮誠見遇微物感通許  
以假歸申其末慕生死骨肉實賴明恩所不敢言斯豈獲  
已况宛葉汝穎密邇山川往復之期旬日以冀奔走之事  
豈乏差池某頓首謹言

為皇甫中丞上求王牋

崔祐甫

某惶恐叩頭昔臧孫辰之詞曰賢者急病而讓夷然則當  
禦悔之權必居衝要受分憂之任不務懷安伏見判官李  
翥稱為教幕府移鎮江寧聞命矍然不識其故何者逆賊  
安祿山稱兵犯順竊據二京王師四臨久未撲滅自河淮  
右轉關隴東馳詔命所傳貢賦所集必由之徑實在荆襄



朝廷以大王鎮之重矣自麾旌至止政令所覃嶺嶠華夷  
吳楚城邑公私遠邇罔有不寧賊庭震懾莫敢南望儻左  
右有司謀慮未熟輕舉旄鉞僻處下流既失居要害之津  
且出封疆之外專命之責大王何以任之或啓寇讐之心  
來爭形勝之地則行李坐隔侵軼滋多安危大端不可不  
慎既往之失將且無追上皇天帝巡符成都皇帝駐蹕靈  
武臣子之戀大王兼之誅棠棣之詩講晨昏之禮其地逾  
遠胡寧以安假使別奉絲綸猶當執奏一則逆胡間諜矯  
詐須防二則國步艱難折衝宜近闕就關樂土恐非良圖  
伏惟大王天縱仁明苞含實大恭所以敢申謹議輕犯威  
嚴伏望廣延正人俯垂考覈芻蕘之論萬一可收不勝憂  
憤悃迫之至謹奉牋惶恐惶恐叩頭

上宰相牋

前人

祐甫惶恐惶恐叩頭昔諸葛孔明有言曰使一夫有允亮  
之罪也嗚呼孔明以分崩離析之時事要荒割據之主尚  
能恢弘王度克廣德心魚鱉咸若引為已任千載之下以  
茲美談伏惟相公乘時間生畧不出世光輔興運致於冢  
宰自明兩作離帝出於震發號施令無幽不達鼎新之業  
公實贊之煦嫗昭蘇孰不有望况祐甫當遺簪墜履之列  
懷救虵養雀之惠雖報恩之分誓以終身而受庇之期亦  
望卒歲豈可不盡誠欵使匹夫不獲而相公有孔明之憾  
哉祐甫天倫十人身處其季夙遭險疊幾不同存沒左右

提携仰於兄姊頃屬中夏覆沒舉家南遷內外相從百有  
餘口長兄宰豐城間歲遭罹不淑仲姊寓吉郡周年繼以  
鞠凶呱呱孤甥斬焉在疚宗兄著作自蜀來吳萬里歸復  
羈孤之日斯所依焉豈期積善之人昊天不吊門緒淪替  
山頽梁折今茲夏末宗兄辭代顧眇眇之身歸然獨在寡  
弱嬰孺前悲後泣一門之中髮首相吊捨之而去必填溝  
壑昔者建寅初吉麾蓋將西猥承嘉話曲全之施不略微  
生訴其待年致身循國豈惟寮屬斯在山川鬼神實亦聞  
之今者相公大秉化源而小人拘牽以前命進於朝無一  
塵一露之益顧於家有死如棄如之患撫心自憐淚盡成  
血儻相公以天下為一堂也忍其向隅而傷和氣哉所以  
遲迴周道欲行中止解懸之望屬在仁明藏之而不言小  
人之罪也一物失所伏惟相公圖之孟秋尚熱伏惟相公  
尊體起居萬福謹因洪州奏事官沁水府果毅徐冕奉牋  
塵黷清襟伏深戰灼祐甫惶恐叩頭叩頭

賀赦牋

劉禹錫見集本

使持節連州諸軍事守連州刺史劉某惶恐叩頭伏見今  
月一日制書大赦天下者伏以獻歲布和皇恩遠降乾坤  
交泰寰宇廓清伏惟皇太子殿下道貫元良德兼忠孝承  
顏拜慶榮耀古今某職守有限不獲隨例稱賀宮庭無任  
欣悅之至

皇帝冊尊號賀皇太子牋

柳宗元

宗元惶恐言伏奉六月七日制元和聖文神武法天應運

皇帝光受尊集作號率土臣子歡呼無際集作伏惟皇

太子殿下麗正居中輔成昌運削伏沴孽贊揚輝光鴻名

載集作升大慶周洽表文武之經緯著天道之運行瑞景

昭集作臨知重輪之發輝集作恩波下濟見少海之增潤

某忝守遐方獲聞盛禮不任忡躍之至六字集作倍萬恒

惶恐死罪集作罪死罪集作賀太子知軍國牋見五百五十七卷令狐楚

從樊漢南為鹿門孟處士求脩墓牋符載

廬山山人符載頓首頓首死罪夫仁義揚顯明德之克也

惠慈被幽昧仁之原也竊見故鹿門孟處士浩然納靈舍

將伏集作傑立文寶貴重僧以吞連城一旦殞落門亂陵一作

如墳集作吁嗟立隴頽陷荒圃形或異介高不及隱末懷若人

行路慨然前日辨覺佛寺峴首亭恭親明公垂意拳拳將

墓文表隨封起窀穸闔境搢紳暫聞嘉聲風動興感偕至

踴躍然垂休務當時從善貴流今閣下外迫軍旅程使之

劇內勞賓客俯仰之勤牽耗星歲未遑指顧常恐旦夕飛

踐廊廟纏綿深旨鬱結不寫則處士之風流精爽沉翳厚

地矣或好事者乘而射之孤負夙志矣伏惟閣下醇仁盛

德覆乎草木除惡彰善發於鄉黨一作割省庶務凝神畧

刻眄矇官屬望則疑首尾實足以酬一作士林之翹翹慰羈魂

之宜真事關教化不主名譽伏惟慮之始終之幸甚幸甚

文苑英華卷第六百二十七

校正六十字

十月十九日

文苑英華卷第六百二十八

謝恩一

為李卿謝三品狀一首

代鄭相公謝賜戟狀一首

謝官告狀二首

謝賜告身等狀四首

為侍郎汝南公華州謝加僭狀一首

謝讓讓狀一首

謝口勅放三司推問狀一首

為濮陽公謝罰俸狀一首

為李卿謝三品狀一首

苑咸

伏奉今月恩制特換

一作授

臣三品恩出非常罔知所措

以薄劣久忝班榮幸以地籍宗枝遂得位參卿寺常憂踰



分參於正名豈臣灰粉所能答効自殊私俯及宿疾頓除  
既承七命之貴更荷再生之澤才輕遇重以榮以憂又先  
承聖恩賜臣藥酒自蒙救療日覺痊平但以微虛未堪趨  
伏拜恩間巷喜懼難勝馳心闕庭戰荷交集無任惶悚之  
至

代鄭相公謝賜戟狀

呂溫

門戟十二竿右今日中使某乙至臣私第奉宣聖旨賜臣  
前件戟者臣伏以國朝之制名器尤慎吏考三十始秩銀  
青戰勲十二乃號柱國必資具美方賜集作錫殊榮於是  
命服以朝加戟于戶將勸勞而責實亦馭貴而崇名上無  
謬恩下不虛受臣迹非竒致擢自諸生先皇以庶謹賜知

密勿踰於一紀陛下以勤憂過聽委遇首於群僚叨據樞

衡亟移星歲雷霆用武魯無犬馬之勞日月垂文豈有瑩

燭之助徒以侍祠清廟拜舞集作壽鴻名累逢慶脊集作頓驟

假勲秩禮異其數物盛其容新其閑闕賜之祭戟衡門燕

雀乍相賀於朱楹武庫龍蛇忽迫飛於陋巷焜燿當代寵

靈自天聚族知慙殺身匪報無任荷懼屏營之至謹奉狀

陳謝以聞

此篇五百八十三卷表門重出今已削去

謝官告狀

白居易

新授將仕郎守左拾遺翰林學士臣白居易

新授朝議郎守尚書庫部員外郎翰林學士雲騎

尉臣崔羣

右臣等伏奉恩制除前件官今日守謙奉宣進止特加慰諭并賜告身者聖慈曲被寵命猥加俯以拜恩跪而受賜舞蹈離次驚惶失圖伏以郎吏諫官古今所重位當辰集星象職在箴規皆須聞集問望清方行實端愨然後可以佐彌綸於草奏集能正其詞盡獻納於芻言必直其節苟輕所選實忝厥官臣等學識庸虛才質愚懦自居近職忝冒已深况超擢榮班慙惶交至初授殊常之寵聞實若驚再思難報之恩感而欲泣唯當奮勵駑鈍補拾闕遺中誓赤誠上酬玄造俯伏愧畏集若無所容無任感恩兢憂勸之至謹奉狀陳謝以聞謹奏

同前

前人

新授京兆府戶曹參軍翰林學士臣白居易

右伏奉恩制除臣前件官今日守謙奉宣聖旨特加慰諭

兼賜告身者俯僂集拜恩怵惕受命戰越跼踖驚惶失

容蹈舞屏營不知所據臣叨居近職已涉四年自顧庸昧

無裨明聖塵忝歲久憂慙日深况於官祿之間豈敢有所

選擇但以位卑俸薄家貧親老養闕甘馨之費病乏藥石

之資人子之心有所不足昨蒙聖念雖許陳情敢望天慈

集恩作遽從所欲况前件官位望雖小俸料則集優臣今

得之勝登貴位此皆皇集明俯察玄造曲成念臣為子

之心集賜臣及親之祿臣所以撫心知愧因事吐誠烏

鳥私情得盡歡於展養大馬微力誓效死以酬恩榮幸不止於一身感戴實深於萬品無任荷恩抃躍之至

謝恩賜告身衣服并借馬狀

元稹

右奉倫重晏至奉宣恩旨授臣前件官告身衣服疋帛及借馬者忽降天書乍乘雲驥頒衣煥日賁帛盈庭皆非朽陋之才宜受光揚之賜微臣無任抃躍慙惶之至况臣素守集作疎愚且集作無朋黨去年陛下擢於集作郎吏命掌書詞非因宰相奏論特是聖慈超授感恩深切頗獻封章遂遭分外侵誣不敢保全軀命豈謂恩光轉至辱澤逾深出自宸衷選居近地不試便令入院當日召見天顏口勅授官面賜章服授令承旨不顧班資近日寵榮無臣此

側發言感泣指日誓心苟無死節之誠願受鬼誅之禍伏奉恩旨令臣明日本司赴上舊例便合中謝伏緣先有疏論邊事及幽州事宜兼緣李愿入朝並要面自論奏伏料二十日入假已後南衙機務稍閑特乞天恩許臣中謝謹錄奏聞伏聽進止集作勅旨

為蕭相謝告身狀

前人

右中使某乙至奉宣進止賜臣某官告身一通者鳳銜真誥虬捧天書錦帙金牋霞明一作日照臣聞高宗命說乃

申納誨之詞大舜相龍爰有聖讒之訓空書簡冊未煥繡

緗豈集作

如

臣寵榮而

豈集作

足為喻慙惶增懼進退難安拜

受恩光戰汗交集無任感戴殊私之至

又謝官狀

集作為蕭相讓官表

前人

此篇移入五百七十四卷表門姑存其日

代裴相公謝告身鞍馬狀

杜牧

右中使某至奉宣聖旨賜臣告身一通馬一匹并鞍轡臣

生逢盛代竊位巖廊奉告令之詔書丹霄之雨露猶濕賜

集作錫代勞之駿馬內棧之風雲尚隨寶軸煥絲綸之言逸

足騁拳竒之態螢光燭火何裨日月之明弱質孤根但荷

乾坤之德殺身寧報撫已知慙無任感恩抃躍懇悃之至

為侍郎汝南公華州謝加僭狀 李商隱

右臣伏奉今月某日制書加賜臣階朝散大夫者榮從日

下恩自天中臣聞周室設官實重大夫之號漢臣異禮則

加朝散

集作請

之名若臣者辦乏談天文非擲地貪叨華瀨

綿歷光陰當陛下御極之初分陛下憂人之寄金章紫綬

已塵求瘼之榮崇級清階更竊昇高之望循揣斯久怔忡

莫寧唯當勤奉詔條所希粗贖官謗誠深感勵情切違離

犬戀主而空深蚊負山而何力無任感恩望闕結戀屏營

之至

謝讓讓狀

李嶠

臣特蒙天慈擢在樞近恩私屢及寵命頻加粉骨糜軀雖

久誓於心府纖埃滴水竟無補於川岳是用晨宵載惕啓

處增慙素自庸愚加以疾疹心緒遺忘耳目昏沉實恐虛

曠天工傾敗鼎鍊伏思大臣引咎之義輒露微軀陳力之



請豈敢避鞅掌之職就優游之閑臣每思古人竊仰遺事  
充國則卧而陳策子囊則死不忘忠臣目念妨賢其從屏  
退敬竭芻蕘之議度裨日月之明所以因欲辭違昧冒陳  
上智愚庸短自速憊尤伏奉綸言俯垂恠責心膽飛越五  
情無厝踣天踏地伏待刑科死罪死罪無任戰懼之至謹  
詣明福門奉狀陳謝以聞

奉謝口勅放三司推問狀

杜甫

右臣甫智識淺昧向所論事涉近激訐違迕集作聖旨即  
下有司具已舉劾其從自棄就戮為幸今日已時中書侍  
郎平章事張鎬奉宣口勅宜放推問知臣愚慙集作捨臣  
萬死曲成恩造再賜骸骨臣甫誠頑誠敵死罪死罪臣比

集作以 陷身賊庭憤惋成疾實從間道獲面集作龍顏得逆

未除愁痛難過猥廁衮職願少裨補竊見房瑄以宰相子  
少自樹立晚為醇儒有大臣體時論許瑄必位至公輔康  
濟元元陛下果委以樞密衆望甚允觀瑄之伏集作念主

憂義形於色况畫一保大其素所蓄積者已而瑄性失於  
簡酷嗜鼓琴董庭蘭今之琴工遊瑄門下有日貧病之老  
依倚為非瑄之愛惜人情一至集有玷汚臣不自度量歎

其功名未垂而志氣剝衄覬望陛下棄細錄大所以冒死

稱述何思慮未集作竟闕於再三陛下貸以仁慈憐其懇

到不書狃狃之罪集作復解網羅之急是古之深容直臣

勸勉來者之意天下幸甚天下幸甚豈小臣獨蒙全軀就

列待罪而已無任先懼後喜之至謹詣閣門進狀奉謝以聞謹進

為濮陽公謝罰俸狀

李商隱

右臣伏準御史臺牒奉恩旨以臣不先覺察妖賊賀蘭進興等宜罰兩月俸料者伏以霧市微妖潢池小寇有乖先覺上黷宸聰昔漢以捕集作通盜不嚴猶加黜削晉以發姦無狀亦峻科條且若皇帝陛下恩極好生德集作仁唯宥過與其漏網止以罰金臣與僚屬等無任戴恩宥罪屏營之至

校四十六字

十月十九日

文苑英華卷第六百二十八

文苑英華卷第六百二十九

狀二

謝恩二

謝弟授官狀四首

謝兄加恩狀二首

為子謝恩狀九首

謝賜母國號狀一首

謝除副使等狀一首

謝賜將士等物狀五首

謝兩弟移官就養狀

張九齡

右臣兩弟蒙恩移官就養老母感戴殊澤戰荷兼深臣山數陋材豈堪國用日月私照謬掌綸官大馬以地近見矜為鳥以情至蒙福曲承孝理之賜莫知報效之所無任悚躍集作懼荷恩之至

讓兩弟起復授官狀

前人

右臣昨以兩弟身名狀涉隱冒家且未正焉能正人所以  
 陳露奏聞誠欲自律今日高力士宣勅令與兩弟京官慈  
 旨優柔感深骨髓微臣何有叨此殊恩但臣自罹災殃集  
殃纔踰年序忝承重任不敢顧私而鞠育之恩終懷罔極  
 几筵在遠莫酌不親唯有兩弟在家獲申情紀今若恭承  
 恩命盡在墨綵將以集何心何顏可偷此集責陛下每弘  
 教義必先名節豈於愚臣不集無集少矜憫若使九臯等獲  
 免罪戾幸無削除在臣闔門已霑殊澤更令授職俱遠哀  
 次於臣私情實所不忍然於朝議必多集喧囂乞寢恩  
集命俯亮愚衷冀無玷大猷豈敢自遂而已不勝哀尚  
 戰懼之至此是讓狀緣次箱謝兩  
弟授官故英華併入

謝兩弟授官狀

前人

右臣伏奉昨二十日恩命授臣第九臯殿中丞集作殿九

章太子司議郎臣私門積疊殃罰如昨日月逾邁禮及外

除第九臯等如臣常材集作加比伏集作福哀疚瞻望未遠

縞素集作練猶存非常之恩一朝揔集慙惶哽咽罔識言次

不知微命餘生何以上答集作報天造載悲載躍集作懼五情

飛越不勝感戴戰悚之至

為令狐相國謝迴一子官與弟狀 元稹

右臣奉某月日勅以所賜臣一子官迴與臣弟定授六字

迴授官弟定京兆府藍田縣尉者寵過憂深集作來恩殊感極彷彿

惶自顧悚惕難居臣本實凡愚集作才猥當重任雖星辰軌

道幸屬聖時歲月環周實妨賢路未蒙罪退益自慙惶豈  
謂辱集作天慈仍加渥澤特降推恩之命曲成友愛之私九  
族生光百身集作年何報况藍山集作田美邑黃綬清流旋觀  
冉冉之趨倍慶怡怡之樂手足交抃形影相輝空鏤用心  
難酬雨露無任抃躍感恩之至

為晉公謝兄林宗為太僕卿狀 苑咸

右臣伏承今日恩制除臣兄太常少卿林宗為太僕卿明  
命自天惶林一作作無地臣兄每私門誓約公道為心務竭  
忠勤敢踰涯分豈謂陛下降中旨之詔假望外之恩拔自  
奉常正於群僕臣又居宰輔職忝進賢考盤之詩未能息  
詠葛藟之蔭先及本根渥澤既重於丘山光輝復聯於花

萼一門為幸九死何酬無任感戴惶悚之至

為晉公李林甫謝賜兄衣服狀 前人

右臣今月某日中使郭全羽至奉宣聖一作恩旨賜臣兄太

僕卿林宗紫衣一副并犀角集作腰帶及金魚袋恩出常倫

非常榮超望表闔門捧戴喜懼失圖臣少遭閔凶早違怙

恃兄弟素少形影相依幸遇休明俱霑官序且一身叨竊

謬踐一作奉台衡闔門寵榮皆承天覆恩獎所及始望已過

但兄林宗年力稍一作俱侵近嬰風疾常恐溢先朝露不報

前期一作恩豈謂辱渥特深鴻私曲被河海重寄已叨集作荷

命卿之榮章印崇班更承綬一作受服之賜慶流公族光照

私門雖喜鶴鳴一作鳴鳩之詩終懼維鷄之刺無任喜懼感佩

之至

此篇五百九十二卷表門重出前已削去注異同爲

一作

爲晉公謝

疑作讓

男五品官狀

前人

右臣今日曲蒙聖恩處分仙客令與臣男岫五品并授外  
郎愚誠懇辭天鑒不察仙客承旨又已進官憂懼失圖不  
知死所臣幸承天蔭特荷殊榮無補涓塵常覩面目至如  
邊城克捷狂寇肅清皆睿略玄通聖謀獨斷臣之遙統但  
有空名敢冒天功而爲已力虛承厚委深是曠官况在頑  
童何議延賞假使天慈善誘宸睠曲臨變其服章已深榮  
幸更塵清獎何以自安且郎官之任朝廷俊選無人則缺  
不可虛授臣男岫性資愚戇無所能爲臣實知之非爲矯  
飾儻謬踐華省深累聖朝必負黃童之才豈憚初筮之舉  
知其不可敢乞收恩制命未行猶祈更寢無任懇款之至  
謹冒死陳請以聞

代王尚書謝一子官狀二首

王仲周

右臣素乏器能謬司方鎮敗公之責夙夜惟憂延世之榮  
雨露覃及顧老臣以增懼念童子以何知恩私忽臨負荷  
無力不勝感恩惶恐屏營之至

二

臣某言伏見某月日制除臣男憑御史中丞捧讀綸音  
慙無據臣頃戰伐河北男亦隨身救援李忠頓軍易定屬

陛下遷幸聞及河南臣留與論婚娶然得引軍關右堅保  
渭橋承筭略於皇明摧克醜於都邑事關聖運功匪衆人  
陛下特以微功錄其小子年未登於弱冠官已及於中司  
若以忠孝而升且無往例若由臣□□授是紊國章臣初  
沐殊私即將陳讓但緣李忠在外方遏寇戎已行之恩難  
可追止柔遠之體或要順從勉承不次之榮益荷無窮之  
惠君親垂施並居踰等之官父子同心各獲捐軀之地不  
勝感荷屏營之至

爲人作謝子恩賜狀五首

令狐楚

右臣得進奏院狀報中和日伏蒙天恩賜臣男公敏內宴  
并賜前件綾羅三十疋銀碗一者臣伏以桃花始開糞糞  
初吐陛下式崇佳節以慶仲春舞八卦於廣庭陳四詩於  
別殿道光在鎬義冠濟汾蓋所以勞徠勲賢昭明慈惠男  
公敏年方童幼智之老成何殊一芥之微忽宴九天之上  
乳口而食嘗屏食青襟而陪列朝班越次之恩已深逾涯  
之賜仍及色絲成疋爛盈其箱篋白金爲噐皎映於盃盤  
澤流而九族皆榮信至而萬夫相慶生子如父無功則同  
知臣者君報德何日徘徊官次喜懼交并戎守有限不獲  
陳謝無任感恩結戀屏營之至

二

右臣得男公敏狀今月十八日中使王希朝到院奉宣聖  
旨緣臣男患耳賜絹一百疋以充藥直并遣醫人劉江診

療者臣自受國恩已更歲序其於功績絲髮未伸夙夜憂  
競不知所處男公敏昨緣耳疾今赴上都素乏義方未能  
典竭中豈意陛下惻隱之德俯加于織芥敦睦之慈旁流于  
枝葉殊恩猥及溼澤曲臨特降醫工厚霑藥直雜犢之疾  
料即痊除君親之恩何可報效榮光燭於府舍喜氣溢乎  
閨門恩深命輕繼以感泣戎役有限未獲躬詣闕庭陳謝  
不勝感戴

三

右臣得進奏官趙履溫狀報中使姚文嵩到院奉宣進旨  
賜臣男公敏冬至節料羊酒麪等伏以愚臣在邊賤等蟻  
蟻弱子無疾微如塵埃豈意陛下施惠必均推恩普及屬  
登臺以望之日降其出如綸之言錫香醪而蒲壹頒肥豸  
以盈几伏自惟念不勝所蒙一門驚莫大之榮百衆賀非  
常之慶未知報效空積慙惶日月高明照臣忠懇所守有  
限未獲躬詣闕庭陳謝不勝感戴戀結之至

四

右臣得進奏院狀報前月二十九日中使某至奉宣進旨  
賜臣男公敏歲料羊酒麪等臣自領北藩于今五稔曾無  
明略以奉大猷孤直愚忠未足報陛下萬分之一男公敏  
伏緣醫療勤赴京都尚未平除爰逢歲節豈意翮蛸微物  
飛舞於東風霍靡輕生霑濡於春雨降少牢而頒賜迂中  
貴以宣傳麪起玉塵酒含瓊液鼯鼠飲河之腹聞以蒲盈

老牛舐犢之心喜無終極深恩似海弘覆如天寧唯感激一門實亦光明九族何階報答終日慙惶空將許國之身誓竭在邊之力所守有限不獲陳謝無任感恩抃躍之至

五

右臣得進奏院狀報二月二十九日中使某至奉宣進旨賜臣男公敏寒食節料羊酒麪等至二十一日中使某又宣賜麥粥餅餠者臣伏以天地之恩所加斯厚君臣之義有感則深臣自守近藩曾無薄效緣恩處義以月繫年男公敏未識憲章獲叅班序每因令節又沐殊私班首之羊委其全體擢芒之麥散以輕塵粥既擬於瓊膏餠有同於萍實出爲寵錫皆申上帝之心食以充盈莫匪小人之腹

涓毫未展饗養已頻常懷覆餗之憂有忝分甘之施苟仁之逮下微物敢讓於生成如澤或因臣瑣質何堪於負荷官守有限不獲陳謝無任感恩抃躍之至

同前

右臣得進奏院狀報今月九日中使李朝誠到院奉宣進旨賜前件節料麪肉等次十日中使徐智巖奉宣聖旨又賜麥粥餅餠者寵榮便繁錫賚稠疊或陳於廊廡或貯在罇壺酒可駕車麪疑經市而况屑杏實以爲粥味甜於蜜卷牢肉以成餠規大於拳皆出御厨無非仙饌面墻之目未曾窺見含糗之口忽此捧嘗恩逾涯分榮冠倫列在微臣而過幸日益憂競念小子之何知無由答效身輕施重



負荷難勝所守有限不獲陳謝無任抃躍之至

為蕭相謝賜大夫人國號告身狀 元稹

恩賜臣母國號告身一通右今月日某乙奉宣恩旨賜臣  
母前件告身恩光灼耀捧戴兢惶對揚天休無任戰越臣  
家傳儒素母實劬勞每織履以資臣宦遊嘗斷織以勉臣  
師學念臣庸昧本望非高所希捧檄之榮敢萌集作開國  
之慶陛下恩加望外簡自宸衷石窠封疆已光於萬葉葉  
珠文字重降於九重朝野謂之殊私宗族以集作之榮光  
臣及臣母以抃以歡誓將齋戒洗心永奉真人之誥緘膝  
在竒深藏大帝集作之符寶過金籙瑞同鵲印蓼蕭知感  
雨露難酌無任抃躍競懼集作之至

為滎陽公謝除盧副使等官狀 李商隱

新授某官盧戡 新授某官任繕

右臣得進奏官某狀報臣所奏盧某等二人奉某月日勅  
旨賜授前件官充職者臣謬當庶印合啓幕庭撫魚單以  
興懷懼殺皮之廢禮盧戡與臣同年登第少日論交學富  
文雄氣孤志逸玉清越而為樂女舒退集作以求姝實懷  
難進之規不起後時之歎任繕勿學孝悌潔淨精微得君  
子之時中友鄉人之善者匪因請托實自諳知皇帝陛下  
俯照遠藩咸加命秩南臺貼職延閣分班使戡有紆朱之  
榮繕無衣白之見已經聖鑒可謂國華冀收規畫之功共  
奉澄清之寄不任感恩荷聖集作得賢之至

為人作謝防秋廻賜將士等物狀 令狐楚

右件將士中使朱孝誠監領某月日平安到太原其賞物並勅給付訖 臣伏以受命以行人臣之節斯著及期而代君父之仁已深陛下愛育武夫綏懷猛士采薇遣戍既霑挾纘之恩出車勞旋又有分纁之澤終識家而競入俄拜賜以高呼盡忘征役之勞固感生成之德况臣叨居將帥獲沐恩波所守有限不獲陳謝

為人作謝賜行營將士足段并設料等物狀

前人

右臣得行營兵馬使李黯狀報伏蒙聖恩賜前件足段設料者伏以懷生之類莫匪王臣有事之時唯聽君命今者

天誅小醜恩施群雄豈謂偏裨皆蒙賜賚需以飲食比肩而膚革充盈賁於束帛連袂而衣裳華楚空知飽德何以勝恩競堅摩壘之心爭竭拘原之力臣叨居將帥誓掃寇仇感戴屏營倍萬恒品

為人謝賜行營將士襖子及弓弩狀 前人

右臣得兵馬使李黯狀伏蒙聖恩賜前件物等者伏以狂賊未平偏師在遠臣並全支器械厚給衣裝陛下念以戰爭矜其寒苦特頒星使猥降天波衣絮八蠶之絲暖如狐腋弓纏九牛之角勁若鳥號頒及連營來從國府遙知被服皆不憚於兵鋒緬想操張盡一作悉將穿於虜骨歡聲感動勇氣蒸騰信山嶽之可移豈妖氛之足滅臣名叨將帥

志掃寇讐沐恩澤而空深效勤勞而尚淺誓將忠懇以勵  
驍雄所守有限不獲陳謝

爲人謝賜天德防秋將士綿一作馳絹狀 前人

右臣今月七日中使朱孝誠至伏奉詔書兼宣恩旨賜前  
件綿絹等臣伏以武夫之用職在防虞壯士之心樂從征  
役陛下仁慈廣被渥澤旁流諭以功名賜之綿帛荷殊私  
而東拜悉有兼衣賈餘勇而西行若無遠道同將日力共  
振天聲臣猥守藩隅叨居將帥欣榮感戴實百恒情

爲人謝賜將軍官告狀 前人

右臣中使朱孝誠至伏奉詔命慰問臣并宣慰旨允臣所  
奏當使諸將官賜前件告身者寵命從天榮光溢路謹呼  
感戴者不自勝臣素是懦愚叨居上將微誠空竭薄效未  
伸伏蒙陛下曲降天波俯加玉澤華資清秩周及於百夫  
喜氣謹聲喧傳於一道家藏寶軸人受綸言三軍驚非次  
之榮萬井賀殊情之慶誓將苦節上答明恩謹准勅捧受  
分給訖臣與諸將等限以所守不獲詣闕陳謝無任抃躍  
之至

按正二十九字 十月二十日

文苑英華卷第六百二十九

文苑英華卷第六百三十一

謝恩三

謝勅書手詔狀一首

謝中使招撫狀一首

奏廣州結好使事由奉詔書謝恩狀一首

謝宣慰等狀七首

謝御札狀一首

謝臘日賜藥等狀一首

謝賜藥金盞等狀一首

謝賜藥金狀一首

謝賜神刀食金狀二首

謝醫藥狀二首

謝問疾狀一首

謝賜紅雪等狀一首

謝勅書手詔狀

常袞

右今月十一日中使劉廷玉至奉宣慰命賜臣前件書詔

謝恩三

謝勅書手詔狀一首

謝中使招撫狀一首

奏廣州結好使事由奉詔書謝恩狀一首

謝宣慰等狀七首

謝御札狀一首

謝臘日賜藥等狀一首

謝賜藥金盞等狀一首

謝賜藥金狀一首

謝賜神刀食金狀二首

謝醫藥狀二首

謝問疾狀一首

謝賜紅雪等狀一首

謝勅書手詔狀

常袞

右今月十一日中使劉廷玉至奉宣慰命賜臣前件書詔

臣謬忝防虞未申戎効寄分庶察又乏吏能尸素實深咎責難逭聖慈弘貸榮渥累霑俯降天書兼賜墨詔辱詞寵飾曾無毫髮之勞宸旨密臨特受腹心之寄自驚朽骨遠被殊恩捧承戰悚擎跪踴躍駑蹇之力過負已多鴻私未酬慙懼彌積軍州同慶惠澤溥將慰勉載加感悅交集無任抃躍惶悚之至

為王大夫謝中使招撫狀

崔行先

臣某言頃者元誼等擅固城池有違詔命臣出師野次持守經年以水攻圍俟其離變誓殲克叛以靜方隅伏以陛下至德至仁好生惡殺恐失理死不忍誅夷特令中使就此招撫今洛州收復問井獲安此皆天威光被神武底定

顧惟愚陋載荷鴻私不勝感戴踴躍之至

奏廣州結好使事由奉詔書謝恩狀 裴次元

右臣伏奉某月日手詔令臣速具前件官本末事由聞奏臣去月日謹具某官歸本道事以聞某月日奏官至伏奉某月日手詔所奏某官尋赴廣州事宜具詳本末想宜知悉者臣伏以綸綍下於紫霄明命光於滄海榮深感極寵洽心驚周章失圖歡暢交集顧臣鄙劣忝寄藩維無補消埃累更涼燠矧茲地遠敢望恩加日月照臨之明無幽不燭乾坤生成之德在物莫遺豈期奏報常儀特降詔書慰撫事逾等列喜萬恒情伏以軒墀一遠歲序三變謬職愧深於星瑄荷恩思拜於彤庭廁清列于班行義冠劔而何

日守炎荒之遐服其瘴癘以嬰身懷死節之丹誠願生還於絳闕每承存諭之命更切攀戀之心臣不勝感恩歡躍屏營之至

爲人謝宣慰狀

令狐楚

右監軍李輔光廻伏奉勅書手詔宣慰臣及參佐將校官吏等者臣竊位大藩連榮近屬戴山之力雖竭橫草之功未聞寢興以思憂愧若厲伏惟陛下日明于上子育其人降玉筋之天書遣銀璫之星使宸心照育下浹於將校慈旨丁寧旁霑於掾吏謹呼之聲雷動舞抃之袖雲翻榮光併臨愁疾如失不勝歡喜感戴之至

謝勅書手詔慰問狀

前人

右監軍使李輔光廻伏奉勅書手詔慰問臣及將士等者臣自守大藩未申微効每承溼澤實所慙惶今者伏蒙陛下弘覆幬之仁與天爲大廣照臨之意如日斯升特遣王人復還使府捧絲綸之明詔光寵賤微吐汗漫之溫言霑濡群萃浮空而喜氣成霧動地而歡聲若雷空知受恩何以勝德所守有限不獲陳謝無任感戴之至

謝口勅慰問狀

前人

右中使孟昇進至伏奉口勅慰問臣及將士等臣素非公才叨總戎律清平無事績用未彰伏惟陛下子惠兆人天成萬物降星分之使宣綸出之言問以炎涼勉其勞役恩踰素望榮冠常倫跪聽謹呼衆心如一臣等不勝感戴之

至

謝宣慰狀

前人

右監軍使某廻伏奉勅書手詔兼宣恩旨慰問臣及將士等伏以天地大鈞固無私於覆載豚魚微類皆有荷於生成臣實庸虛叨膺獎用至於師人輯睦封略又安皆稟廟謀無非宸筭豈意天慈廣被聖眷旁流歸復監臨昭宣慰撫爲膏之雨泛洒於編人如綍之言傳聞於列校驩生衆口感結群心同守節以戴天各輸忠而報國臣與將士等不勝感恩抃躍之至

謝勅書手詔慰問狀

前人

右某月日中使某至伏奉勅書手詔慰問臣及將士參佐等并賜臣官告旌節兼宣口勅授臣節制者臣伏以聖澤汪洋高卑盡蒲皇明照耀微細不遺內愧鎖材上煩慈旨朝聞夕惕豈復遑寧夜思晝行不敢失墜今者三軍輯睦萬井歡康皆憑天威盡出宸筭慙將孱劣虛受恩榮某月日已差衙官某奉表陳謝訖無任感戴之至

謝宣慰諸州軍鎮等狀

前人

右中使至伏奉某月日詔書令中使宣慰諸州刺史外鎮將士等令臣亦使人安撫者臣準詔差虜候張液隨中使某所在存問以某月日却到太原伏以設官分職邦國之恒規秉義納忠人臣之素分伏惟皇帝陛下嘉其奉上念以守邊降驛騎於九重諭天心於萬里法南風之長養豈

擇卑微並白日之照臨不遺遐遠邊城將校井里黎人競  
鼓舞於皇明盡霑濡於聖澤室家相慶關塞無虞臣忝守  
戎旃不任忻抃之至

爲崔仲孫弟謝手詔狀

前人

右中使尹偕至伏奉手詔慰問臣等伏以聖澤均霑天光  
下燭欣榮感戴不勝自任臣生代未諧遭家不造嬰孩之  
日長養於外家童冠之年因依于伯姊容身寄食以至于  
今李說念臣以密親署臣以散職誓將裨補義不依違誠  
意莫申大期俄迫今者獲成安泰仰荷聖明豈期特降恩  
波深蒙慰撫昆蟲賤命不可以戴天葵藿微心空知其向  
日親踈共感存歿同榮無任感恩抃躍之至

謝御札狀

元稹

御札二十三字右奉諭重晏至宣賜臣前件御札其中聖

旨云鎮州逆亂枉害忠良若與元冀鎮州節度使

集作是使

捨賊之門者伏以睿筭若神聖慈猶父視兇狡之構亂義

在克清念台輔之銜究期於必報此蓋仁深天地勇過雷

霆臣實庸愚難議窺測况臣謨

集作謀

猷失次罪戾是憂宸

翰忽臨天章煥發舞鳳廻翔於懷抱飛龍顧盼於縑緗豈  
獨傳之子孫便合鏤於飢骨微臣無任踴躍光榮之至

謝賜藥狀

集作表

張說

右內使陳忠盛宣旨賜臣痢藥臣攝生無方自貽疾疢聖  
慈矜憫垂恩救護氣衰力憊忽吞未命之符腸滑胃虛更



服集作返寬之草蒙天營祐集作指日痊平雖萬粉灰何酬造化謹附忠盛奉狀陳謝以聞

謝勅賜藥狀

張九齡

右高力士奉宣恩旨賜臣等鹿角膠丸及駐年面脂有命自天感戴並至臣等涓滴無補渥澤日深多謝股肱之良每慙智力之効徒承聖恩同體之義更需御藥駐年之賜事絕希幸禮優常遇微軀賤貌因殊集作造而載延捧日承天荷曲成而靡集作極無任悚戴之至

為晉公謝臘日賜藥等狀

苑咸

右昨晚內使曹侍仙至奉宣聖旨賜臣臘日所合通中散駐顏面脂及鈿合并吃力伽丸白黑蒺藜剪楷齒藥等通

夜又賜粳米一百石麵二十袋適中使楊元新至又賜鱖鱖魚魴魚鮭魚等仍便令膳造伏以嘉平舊節鍊藥良辰錫靈仙之秘方均雨露之殊澤金膏玉散駐齒髮於衰容瑞麪香粳頓豐盈於私廩况鯀魚魴鮭等降自天厨中使炮烹皆承聖法不資椒桂之力備適鹽梅之味臣竊位歲久叨榮日深調攝之功未施於毫髮登俎之美屢浹於恩波徒荷生成何酬造化無任稠疊咸戴之至

謝賜藥金盞等物狀

前人

右內給事袁思藝奉宣聖旨賜臣藥金盞一匙并參花密餘其煎及平晚合二兼令中使輔朝俊親授昨所賜金方法者伏以聖澤無涯已沐九天之施真方不秘更示八公

之法王人俯及寶器仍頒自昔名臣近代良佐雖功業攸著或不承此賜况臣才不逮古雨露之澤逾深任重當時涓塵之效無補仰瞻玄造上答何階無任感戴之至

謝賜藥金狀

前人

右內給事袁思藝至奉宣聖旨賜臣江東成金二挺若服之後深有補益兼延駐者伏以仙方所秘靈藥稱珍必候休明之辰上益無疆之壽不意俯廻天眷念及微臣賜九轉之金駐百年之命且螻蟻賤質豈能長固蒲柳易朽常慮先凋竊荷生成之恩寧酬造化之德澤如河海空欣羽翼之期寵若丘山何伸灰粉之謝不任忻抃之至

謝賜神刀食金等狀

鄭綱

右今日中使某至奉某月日墨詔賜臣前件神刀及食金五挺并合子鎖等臣遠赴藩鎮上軫聖憂俯降王人特頒寵賜暢威懷於遠服佩以神刀矜微劣之庸軀賜之靈藥捧受戰越以抃以驚臣即以今日發藍田縣關庭漸遠道里猶長瞻望天顏感涕交集無任戴荷結戀之極

謝賜手詔兼神刀藥金狀

孔戣

右中使某至伏奉墨詔并賜藥金一合神刀等俯循陋質仰戴殊私渤澥無比其深山嶽無方其重臣簞門賤品環堵諸生乏禦侮之籌謀罕濟時之方略而因緣官學塵丕班行效無可稱事每逾量聖慈過聽擢領藩方祇命戒途不敢陳讓省躬撫事益懼菲才今又特降王人遠臨郊甸

寶刀出於武庫上藥本於金精足以蠲除疫癘激發忠勇  
顧惟孱懦承此寶光捐軀盡節豈足為報無任感戀懇款  
之至

為人謝問疾兼賜醫藥等狀

令狐楚

右今月十八日本道監軍使李某至奉宣口勅問臣所疾  
十九日中使張良祐至伏奉詔書賜臣烏藥蓼子各一台  
藥方兩紙并借供奉醫官兩人醫臣疾者臣素是凡庸猥  
當朝寄暫垂將息特軫聖慈綸出王言朝昏不絕星馳驛  
騎道路相望頒仙藥于雲中降神醫於天上仰承榮寵冀  
即痊平競惶失圖感戴無地蒲柳之心猶壯堇葜丹誠狗  
馬之齒更長敢忘玄造臣見準詔書與醫人商量服飲未  
及塗藥將息腫氣已退煩熱木定所守有限不獲陳謝  
任感恩結戀之至

為人謝詔書問疾兼賜藥方等狀 前人

右臣奏事官高榮朝迴伏奉墨詔問臣所疾并奉宣口勅  
賜臣藥方者臣疲馬疑作之質寒熱所侵仰憑天慈今日  
已損豈意猶煩睿想尚軫聖衷特降千金一作之方兼飛  
五色之詔榮光一燭愁疾如遺誓畢微生以酬殊造無任  
感戴之至

為人謝問疾狀

前人

右監軍使李輔光迴奉宣口勅問所疾者臣頃因時早疾  
以憂生仰蒙覆育尋就痊除伏以君恩過厚天聽至卑縷

形於詞如撫以手顧慙微細特繫於宸衷內省疲羸尚關  
於睿想榮深益懼喜極而悲當望雙闕以注心守一隅而  
盡力不勝感結抃躍之至

為令狐相公謝賜金石凌紅雪狀 元稹

恩賜金石凌紅雪各一兩右中使竇千乘至奉宣進旨以  
臣將赴山陵時屬炎暑賜臣前件紅雪等臣職司復土戀  
切攀髯方當匍匐而前敢有赫曦之懼豈謂天光下濟靈  
藥旁霑念臣有丹赤之愚故賜臣以染心之物察臣有木  
訥之性故賜臣以苦口之滋就日凝不冶之清冰在合若  
遇圓之絳雪恩加望外感極成悲集作愚無任跼蹐屏營之  
至

至

按正五十二字十月二十日

文苑英華卷第六百三十終